



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Ecclesiæ Avtoritate, & de ueterum scriptis Libellus**

**Melanchthon, Philipp**

**Vitebergae, 1550**

**VD16 M 3084**

De Dionysio.

**urn:nbn:de:hbz:466:1-35753**

PHILIP. MELANTH.

prodest uetera scripta legere, primum propter  
historicā testimonia, deinde, quia illorum colla-  
tio acuit & exercet studiosos. Ita proderit ex  
Origenis lectio, ijs, qui antea recte instituti  
sunt, & summam Christianae doctrinæ tenent.

De Dionysio.

Vnus est Libellus Dionysij de Ecclesiastī  
caherarchia, qui propter historiam est utilis.  
Cæteri continent ociosas speculationes. Illic au-  
tem traduntur cærimoniae Sacramentorum,  
ex ritus Ecclesie, & apparet mediocres abduc-  
fuisse cærimonias illo tempore. Præcipue au-  
tem ritus Missæ ibi considerandi sunt, ut appa-  
reat recentiores in Ecclesia Papæ procul re-  
cessisse à ueteri forma. Psalmi quidam & les-  
siones ex Euangeliō recitabantur, dicebantur  
preces pro Ecclesia & Republica. Postea  
Presbyter stans ad Aram, recitabat uerba Chri-  
sti de Coena Domini. Deinde distribuebat popu-  
lo Sacramentum. Sequebatur gratiarum actio.  
Hic fuit ritus Missæ, unde manifestum est,  
Missam tantum fuisse communionem, nec fuisse  
ullas priuatas Missas. Quin ex illud mirandum  
est,

## DE ECCLESIA.

est, q nec mentio fit oblationis, ne ritum quia  
dem recenset offerentis. Hæc apud Dionysium  
præcipue prodest obseruare, ut antiquitatem  
opponamus ijs, qui defendunt abusus Missarum,

Recenset baptismum, chrisma, commun  
cionem, ut dixi, ordinationem presbyterorum,  
& eorum, qui uota faciebant, & unctionem  
mortuorum, ubi narrat, quales fuerint cære  
mniae funerum, cum cadauer in templo collocas  
tum esset, præsente populo recitabantur aliue  
lectiones ex sacris literis de resurrectione.  
Deinde iubebatur populus gratias agere in pre  
cibus, q hic pie decessisset in agnitione Euange  
lij. Addebatur adhortatio, ut sibi quisq; precare  
tur pium exitum ex hac uita. Hic mos fuit ple  
nus pietatis, & laude dignus. Quæ enim possunt  
maiora beneficia cogitari, quam in illo ingenti  
agone retinere Christi agnitionem, adiuuari  
Christo & saluari. Hanc cærimoniam melio  
rem recentior ætas prorsus aboluit retenis  
& cumulatis deterioribus.

Addit autem Dionysius, post hanc adhor  
tationem abiisse presbyterum, & perfudiſſe

ol

PHILIP. MELANTH.

oleo cadauer, & precatum esse, ut Deus ei con-  
donaret infirmitatem, quæ in eo reliqua fuisset  
post conuersionem. Postea cadauer condeba-  
tur in terram. Hæ tantum funerum fuerunt cæ-  
remoniæ tunc quidem, nondum in Missa siebat  
defunctorum mentio, Multo minus offerebatur  
corpus Domini pro mortuis. Hanc prophana-  
tionem sacramenti posterior ætas addidit.

Hactenus de Dionysio, in quo et si cæremo-  
niæ aliquato minus uiciosa sunt, tamen sunt ini-  
tia Monachatus, & hoc graui reprehensione  
dignum est, q̄ non discernit inter Sacra-  
menta diuinitus instituta, & humanas traditiones. De  
Chrysate perinde loquitur ut de baptismo, &  
equat ταξες γα εγγοις, ut ita dicam. Mona-  
chorum ordinationem etiam antefert ordinatio  
ni ministrorum, quod est ualde uituperandum,  
cum ordinatio ministrorum pertineat ad prædi-  
cationem Euangeli. Illa uero Monachorum or-  
dinatio sit superstitionis, & tantum fiat propter  
cultum prohibitum, iuxta illud: Frustra colunt  
me mandatis hominum. Et tamen ibi Monacha-  
lus uocatur perfectio. Ergo ualeant eius testi-  
monia,

D monia,